

SA's Leading Past Year

Exam Paper Portal

S T U D Y

You have Downloaded, yet Another Great
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexamapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LEKUCALA (P1)

2021

EMAMAKI: 70

SIKHATSI: Ema-awa 2

Leliphepha linemakhasi la-13.

TICONDZISO KULABAHOLWAKO

1. Leliphepha lehlukaniswe TIGABA LETINTSATFU:

SIGABA A:	Sivisiso	(30)
SIGABA B:	Sifinyeto	(10)
SIGABA C:	Takhi netimiso tekusetjentiswa kwelulwimi	(30)
2. Fundza TONKHE ticondziso ngekucaphela.
3. Phendvula YONKHE imibuto ngeSiswati.
4. Cala LESO NALESO SIGABA ekhasini LELISHA.
5. Dvweba umugca emva kwaleso naleso sigaba.
6. Tinombolo tetimpgendvulo atihambisane naleto letisephene lemibuto njengobe tinjalo.
7. Shiya umugca emkhatsini wetimpgendvulo takho.
8. Caphelisia sipelingi/lupelomagama nendlela lewakha ngayo imisho.
9. Siphakamiso sekulawulwa kwesikhatsi:

SIGABA A:	Lokungenani emaminithi la-50
SIGABA B:	Lokungenani emaminithi la-30
SIGABA C:	Lokungenani emaminithi la-40
10. Bhala ngebunono nangesandla lesifundzekako.

SIGABA A: SIVISISO**UMBUTO 1**

1.1 Fundza letheksthi bese uphendvula imibuto lelandzelako.

ITHEKSTHI A**KWESWELAKALA KWEMISEBENTI**

- 1 Simo sekuswelakala kwemisebenti eNingizimu Afrika sibi kakhulu. Umbiko wesimo sematfuba emsebenti wetinyanga letintsatfu lovele sekutawuphela umnyaka lophelile uyakufakazela loko. Kuvele kutsi iNingizimu Afrika iseluhlwini lwalawo mave lanesibalo lesisetulu sebantu labangasebenti. Lokwetfusa kakhulu kutsi njalo ekupheleni kwemnyaka 5 tinkampani letiphetse titolo naletinye tivamise kucasha basebenti kwesikhashana kute tikhone kubukana nekwenyuka kwesibalo semakhasimende latsengela Khismusi, kepha akukenteki loku kulomnyaka lophelile. Esikhundleni saloko, sibalo sebasebenti labacashwako siyehla. Kukhuphuka kwesibalo saloko kwagcina 10 ngemnyaka we-2008. Kulowo mnyaka we-2008 newe-2009 kwaba sikhatsi lesimatima emhlabeni wonkhe jikelele ngenca yekuntengantenga kwetimali talamanye emave angesheya. Umnotfo waseNingizimu Afrika wahlukumeteka ngaloko. Basebenti lababalelwa etigidzini balahlekelwa 15 yimisebenti.
- 2 Kugucuguka kwesimo semsebenti kuleli siyakhomba kutsi simo semnotfo asikatinti. Tiningi tizatfu letiyimbangela yekuceka kwemnotfo lokudzinga kutsi hulumende akufakele tibuko. Bosomabhzinisi bangaphandle babuye bakhale ngekuntjintjantjintja kwenchubomgommo yentalo labayitfolako, lokwenta kutsi kube matima kakhulu kubo kuhlanyela timali tabo, ikakhulukati uma kuhlanyelwa kwato kutawutsatsa iminyaka lemnyenti 20 ngembikwekutsi babuyelwe yintalo.
- 3 Lokunye lokumcoka lokuvetwe ngumbiko wetibalo eNingizimu Afrika, kutsi sikhuphuke kakhulu sibalo sebantu lesebaneminyaka lemnyenti baswela imisebenti. Loku kuyinkhomba yesimo lesimatima sekutfola umsebenti kulabo labetamako kuwufuna. Sibalo salabafuna umsebenti senyuswa bantfu labalahlekelwa ngumsebenti, bantfwana labaphuma etikolweni bangakefiki kumatekuletjeni, labaphuma bacedzile nalabaphuma bangakacedzi etikhungweni temfundvo lephakeme. Ngekwenchubomgommo yakuleli, bantfu labasha ngulabangaphasi 25 kweminyaka le-35 budzala. Kutfolakale kutsi sibalo sebantu labangemaphessenti langemashumi lamane labaneminyaka lesemkhatsini we-15 ne-34 abasebenti futsi abafundzi ngisho nasetikhungweni temfundvo lephakame. **Nalabo labacedzile kufundza abasebenti.** Loko ngiko kanye losekugcina kubanga lobugebengu lobukhungetse imimango lemnyenti yakuleli. Kubuye kwacaciswa nekutsi lokunye lokuyimbangela yekuhlala kwelusha lungasebenti ngulendlela tebuchwepheshi letenyuse 30 ngayo imibandzela lelindzelekile uma kucashwa basebenti.

4	Kulamalanga sekuvame kutsi kucashwe kuphela bomakadzebona kulowo msebenti nome emavolontiya kuleyo nkampani. Lokuyimphicabadzala ngiko nje kutsi umuntfu angaba njani ngumakadzebona angakacashwa. Kulabo labadla imbuya ngelutsi kuba matima kutfola lwati ngemisebenti lekhangiswako. Phela kulabo bantfu kuba yinkanankana kungena ku-inthanethi kutfola kabanti ngaleyo misebenti lekhangisiwe.	40 45
5	Labasha kufanele kutsi bangabuki kuphela imisebenti yetinkampani. Phela inkhulomo yeSiswati itsi, 'sihlalandzawonye sidla emajwabu.' Labanye baye batsi sigwaca lesihle ngulesishoshako. Kunetikhungo lapho kutfolakala imali lekufanele isetjentiswe ngibo kute bativulele ematfuba emisebenti. Uma bangasebentisa leto tikhungo kungaphela lokuswelakala kwemisebenti kulabasha. Lokunye futsi, kutsi batibandzakanye etinhlelwani letikhona emmangweni.	50
6	Lombiko ugcizelela kakhulu ngekubaluleka kwemfundvo. Uvete kutsi kulabo labane ticu temfundvo lephakeme, bangetudlwana kwemaphesenti lasikhombisa labaswela umsebenti. Kulabo labaphotful matekuletjeni kuphela, bangemaphesenti langemashumi lamatsatfu labangasebenti kantsi kulabo labangakaphotfuli matekuletjeni nome labaphuma emazingeni laphasi emfundvo, bangetulu kwemaphesenti langemashumi lamatsatfu.	55
7	Lolunye lucwaningo luvete kutsi kuswela umsebenti kuyadlondlobala kakhulu emadolobheni lamancane nasetindzaweni tasemakhaya uma kucatsaniswa nasemadolobheni lamakhulu. Loku kubanga kwandza kwemikhukhu ngobe bantfu labayofuna imisebenti emadolobheni lamakhulu basuke bete tindzawo tekuhlala kantsi ngalesinye sikhatsi banato mane tisekudzeni nalapho basebentela khona, lokwenyusa tindleko tetigitjelwa. Letindleko tetigitjelwa tivamise kuba ngulesinye setizatfu letiholela ekutseni labanye bagcine sebayekela umsebenti.	60 65
8	Kuhlala emikhukhwini kuba sisombululo sekusondzela dvutane nematfuba emisebenti. Loku kubeka bomasipala enkingeni lenkhulu ngobe bangeke bakwati kwetfulela labo labahlala emikhukhwini tinsita. Lokunye lokwenteka emikhukhwini kuba ludlame lolugcina lufike nasemadolobheni bese kulimata umnotfo. Loludlame lufaka ekhatsi imibhikisho, kucekela phasi tikhungo tahulumende kanye nekuntjontja etitolo tabosomabhizinisi.	70
9	Bobabe bagcina sebakohlwa ngeminden yabo ngenca yekushiya emakhaya bayohlala emikhukhwini. Bantswana bagucuka bosidlani batfolakale sebaboshiwe ngenca yalesimo sekwehla kwemnotfo wakuleli. Konkhe loku kukhomba kutsi sisombululo saletinkinga letikhungetse leli ngukutsi hulumende wakuleli achamuke nelikhambi lelitawucedza konkhe loku. Lelo khambi kutawudzingeka kutsi hulumende wavelonkhe, wesifundza nabomasipala basebente ngekubambisana.	75 80

[Itsetfwe: /LANGA, 2020]

- 1.1.1 Nika sizatfu lesabangela kutsi tinkampani letinyenti ticashe basebenti kwesikhana ngemaholide aKhisimusi. (1)
- 1.1.2 Yini lokuvetwe kuletheksthi lokukhomba kutsi lolunye lusha luyatenta kutsi lube sesibalweni salabangasebenti? (1)
- 1.1.3 Bhala buhle bekutsi bosomabhizinisi lababuya emaveni angaphandle bavunyelwe kuvula emabhizinisi kuleli laseNingizimu Afrika. (1)
- 1.1.4 Khetsa YINYE imphendvulo. Iso kutsini lenkhulomo lets, 'sihlalandzawonye sidla emajwabu'?
 A Kubukelela akuholeli.
 B Kulala akuholeli.
 C Kuvilapha akuholeli.
 D Kukhamisa akuholeli. (1)
- 1.1.5 Tfola YINYE imbangela endzimeni ye-3 kuletheksthi yekutsi bantfu bakhetse kushiya phasi umsebenti lebesebawutfolile. (1)
- 1.1.6 Labo labahlala emikhukhwini balengela kuyiphi ingoti yetemphilo ngenca yekungatfoli tinsita kubomasipala? (1)
- 1.1.7 Lesento sekuvolontiya sibatfutfukisa njani bahlali baseNingizimu Afrika? Nika KUBILI. (2)
- 1.1.8 Ucabanga kutsi ngulabanjani bantfu labadla imbuya ngelutsi? (2)
- 1.1.9 Lokungasebenti kwalabafundze bacedza kungaba namtselela muni kulabanye bantfwana labasafundza sikolo? (2)
- 1.1.10 Kweswelakala kwemisebenti kungaba namiphi imiphumela elusheni? Bhala KUBILI. (2)
- 1.1.11 Bhala KUBILI hulumende welive laseNingizimu Afrika lakwentela takhamiti kute tikhone kumelana nalenhlupheko yekweswelakala kwemisebenti. (2)
- 1.1.12 Uyavumelana yini nekutsi tifundvo letikhona etikolweni tiyabasita bafundzi kutsi bativulele emabhizinisi abo? Sekela imphendvulo yakho. (2)
- 1.1.13 Njengemholi welusha emmangweni wangakini, ngutiphi teluleko LETIMBILI longatinika lusha kute luvikele kuhlala emakhaya lungenti lutfo? (2)

1.2 Fundza lesibonwa bese uphendvula imibuto lelandzelako.

ITHEKSTHI B



[Itselfwe: [Alamy pictures.com](#)]

- 1.2.1 Yini lekhomba kutsi loku lokwenteka kulesibonwa kubandzakanya nebafundzi? (1)
- 1.2.2 Bhala sizatfu lesenta laba labakulesibonwa baphakamise tandla. (1)
- 1.2.3 Ucabanga kutsi wani lomshuco lobonakala kulesibonwa? Chaza. (2)
- 1.2.4 Litiko Letemfundvo litsikameteka njani ngaloku lokwenteka kulesibonwa? Nika KUBILI. (2)
- 1.2.5 Catsanisa loku lokwenteka kulesibonwa naloko lokwenteka endzimeni ye-8 lesetheksthini A. Bhala KUBILI. (4)

SAMBA SESIGABA A: 30

SIGABA B: SIFINYETO**UMBUTO 2**

Fundza letheksthi lelandzelako bese uyayifinyeta ngewakho emagama langabi ngetulu kwala-80. Sifinyeto sakho asivete **emaphuzu lasikhombisa laveta lusito lolutfutfukile Iwabomakhalekhikhini.**

CAPHELA

1. Sifinyeto sakho asibe ngendlela yetindzima (emapharagrafu).
2. Akukadzingeki kutsi ubhale sihloko.
3. Khombisa linani lemagenta lowasebentisile ekugcineni kwesifinyeto sakho.

ITHEKSTHI C**BUCKO BABOMAKHALEKHIKHINI**

Kuletikhatsi talomuhla, tebuchwepheshe setitsetse indzawo lenkhulu kuloluntjintjo lolukhona. Eminyakeni leyengcile inhoso yekukhicitwa kwabomakhalekhikhini bekukutsi bantfu bakhone kushayela labakashane baphindze batfole imibiko basendleleni, kodvwa lamuhla sebenta lokungetulu kwaloko.

Lucwaningo lolwentiwe luhomba indlela bantfu labetsema ngayo labomahlakaniphane kuto tonkhe tintfo letentiwako. Luveta nekutsi bancane kakhulu labasebentisa tincingo kushayelana nekufola imilayeto lemifisha lebhaliwe kuphela. Linyenti lebantfu litsi tincingo tisidzingo lesikhulu lesista kutfola tindzaba letisematseni nesimo selitulu. Labanyenti tincingo tabo batitsatsa njengencenyen yemphilo yabo.

Labomakhalekhikhini sebagucuke baba sidzingo lekufanele umuntfu abe naso kute akhone kwenta tintfo letinyenti letentiwa onkhe emalanga. Sebatsetse indzawo yetintfo letibalulekile. Bantfu labanyenti abasenandzaba nekubhala imininingwane leminyenti emaphosteni nakukhangiswa imisebenti, esikhundleni saloko, bavele bafake tinombolo tabo tabomakhalekhikhini kulamaphosta kuphela bese lodzinga lulosito ashayele lenombolo. Titolo letitsengisa emawashi setilahlekelwe yintalo ngalokwecile. Umuntfu sewuyakhona nyalo kusebentisa makhalekhikhini njengeliwashi. Ngulapho ubuka khona sikhatsi sekuvuka ekuseni nobe sekuya emsebentini kanye naletinye tinhlelo letidzinga sikhatsi.

Impilo ibuya khashane lapho bekusetjentisa titfwebulititfombe lebetikhipha titfombe letimbili. Nyalo sekukhona imishini yekutfwebula lekhipha titfombe letisiphohlongo kanyekanye. Loku kukhombisa kutsi loluhlobo lwetitfwebuli lunebuchwepheshe lobusezingeni lelisetulu. Lokubuhlungu kutsi lobuchwepheshe bente titfwebulititfombe letetayelekile tangasatsengwa etimakethe. Nabomakhalekhikhini sebayasetjentisa kakhulu ekutfwebuleni titfombe letinyenti ngesikhatsi lesincane nje. Bosolwati bavete kutsi emazinga ekutsenga titfwebulititfombe letetayelekile ehlile.

Nawunamakhalekhikhini uyakhona kudlala umsakato lolalelw ngumnikati ayedvwa labanye bangeva lutto. Lobuchwepeshe bukhule ngendlela yekutsi bantfu babona kungenasidzingo sekutsenga imisakato emakhaya. Kulamalanga bantfu labanyenti abasenandzaba nekuya emabhange. Loku kudalwa ngulongcondvongcondvo lobukeka amncane kantsi unebuhlakan lobendlulele. Nyalo umuntfu sewuyakhona kunga etinhlelweni tasebhange asekhaya atfumele imali nobe akhokhele tindleko letitsite ngamakhalekhikhini.

Bafundzi labanyenti baba netinkinga tekutsenga emabhuku etikolweni temazinga laphasi nasetikhungweni temfundvo lephakeme kantsi labanye bayantjontjelwa. Kututfuka kwetebuchwepeshe kubetfule umtfwalo. Labongcondvongcondvo bayabasita kakhulu bafundzi ngaletincwadzi letifakwa ku-inthanethi letenta kube malula kutsi basebentise bomakhalekhikhini babo nabafundza.

[Itsetfwe: Sky ways, 2019]

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI**UMBUTO 3**

Fundza lesikhangisi bese uphendvula imibuto lelandzelako.

ITHEKSTHI D

SIKUBEKA CATSATSA LAPHO UYA KHONA,

**LIPHUPHO LETFU:**

✳️ KUFIKA KWEBAGIBELI BAPHEPHILE ETINDZAWENI TABO.

- Sibulalamagciwane nesilinganisikushisa kukuhlangabeta emnyango.
- Sifonyo simahhala hha.
- Kuchelelana kwebagibeli ngemahlalakhona.
- Titulo ngumbhedze, ulala bekufa.
- **Ngeliminithi nje, sewusedladleni lakho.**

Emanani etfu aphasi kabi, likhilomitha ngu-R10,00

Tsintsana natsi: 0867788998
bambumtsetfo@gmail.com
 Akusetjentwa ngemasontfo


[Itsetfwe: <http://www.kingfeatures.com>]

- | | | |
|-----|---|-----|
| 3.1 | Yini lengahle inike tetsamelilwati inkinga ngaletitfutsi takaKhibika Natsi? | (1) |
| 3.2 | Khokha inkhulomo lekulesikhangisi lengahhunga tetsamelilwati takaKhibika Natsi. | (1) |

- 3.3 Khetsa umusho lonembako kulelandzelako losesikhatsini lesitako losebentise libitombici, 'sibulalamagciwane'.
- A Kusasa make uyawusebentisa sibulalamagciwane kugeza tandla takhe.
B Kusasa make utosebentisa sibulalamagciwane kugeza tandla takhe.
C Kusasa make uyosebentisa sibulalamagciwane kugeza tandla takhe.
D Kusasa make utawusebentisa sibulalamagciwane kugeza tandla takhe. (1)
- 3.4 Tfola sizatfu salokhangisako sekusebentisa ifonti lencane kulelinani lemali lekhokwa bagibeli. (1)
- 3.5 Labatsandza kuvakasha batsatse luhambo loludze, basijabulela ngayiphi indlela lesitfutsi? Nika KUBILI. (2)
- 3.6 Sebentisa sentakutsi lesikulesicubulo salesikhangisi emshweni lotakhele wona kuveta kutsi uayati inchazelo yaso? (2)
- 3.7 Hloba luni Iwenkhulomo lolubhalwe Iwagcanyiswa kulesikhangisi lesingenhla? Sekela imphendvulo yakho. (2)
- [10]**

UMBUTO 4

Fundza lekhathuni bese uphendvula imibuto lelandzelako.

ITHESKTHI E

[Itsetfwe: <http://www.americanprogress.org/cartoon/>]

- 4.1 Likhombani lelibhamuta leliyinkhanyeti lelisetjentiswe kulekhathuni lengenhla? (1)
- 4.2 Bativuleleni tandla laba labakulekhathuni lengenhla? (1)
- 4.3 Phindza ubhale lomusho locindzetelwe ngekucedzela ngesiga senkhulomo lesisebenta nangabe umuntfu alinyatwe ngulokutsite. (1)
- 4.4 Ichazani lenkhulumonkholelo ledvwetjelwe kulekhathuni lengenhla?
Khetsa imphendvulo lenembako kuletilandzelako:
 - A Kuba kulasebumnandzini.
 - B Kuba kulabangaphasi.
 - C Kuba kalabasenjabulweni.
 - D Kuba kulabasenhlanhleni. (1)
- 4.5 Tsatsa sabito selucobo lesikulekhathuni usisebentise emshweni lotakhele wona. (1)

- 4.6 Yini lekhombisa kutsi laba labakulekhathuni baphume embili? Nika KUNYE. (1)
- 4.7 Sebentisa lunye luvelomagama lolukhomba kutfukutsela lolukulekhathuni emshweni lotakhele wona. (2)
- 4.8 Luhlobo luni Iwenkhulomo lolugcanyiswa ngulekhathuni lengenhla? Sekela imphendvulo yakho. (2)
[10]

UMBUTO 5

Fundza leteksthi bese uphendvula imibuto lelandzelako.

ITHEKSTHI F**KUKHUTSATWA LULWIMI LWASEKHAYA**

Lusha lukhutsatwa kutsi lutsandze futsi lubeke embili Lulwimi Lwasekhaya. Litiko letemfundvo livamise kuhlela imicimbi yekukhutsata kufundza, kubhala nekukhuluma Lulwimi Lwasekhaya. Yona lemicimbi iba khona kuto tonkhe tifundza talapha eNingizimu Afrika. Kuba nemichudzelwano lefaka ekhatsi inkhulumiswano, inkhulumo lelungiselelwe, tinkondlo tekuticambela kanye nemidlalo. 5

Bantfu labasha baseNingizimu Afrika bangafundza kulamachawe labhala imibhalo lefundvwako etikolweni. Lemibungato yetilwimi temdzabu lehlelwa nguHulumende yentelwe kutsi nalo lusha Iwati emagalelo etikhatsi letimatima telubandlululo letenta kutsi letilwimi tibukelwe phasi. Lusha Iwalomuhla luyakutsandza kukhuluma Lulwimi Lwekwengeta. Luyatikhobosa nangabe luhlangana nebalingani balo ikakhulu emanyuvesi. 10

Lulwimi Lwasekhaya lungasintjintja simo sasekhaya nangabe lusha lungatibandzakanya ekubhaleni imibhalo yeLulwimi Lwemdzbabu. 'Kubalulekile kutsi sihloniphe lulwimi Iwemdzbabu sibuye sitigcabhe ngalo,' kusho umphatsiswa weLitiko. Lusha luyakhutsatwa kutsi lufundze kusebentisa emakhomopuyutha lubhale tincwadzi ngeLulwimi Lwasekhaya. Kubalulekile kutsi Iwati imvelaphi yalo, lukhulume neTilwimi Temdzabu. Musani kutikhobosa ngemasiko enu bantfu labasha! Lulwimi Lwasekhaya lumnandzi kwedlula letinye tilwimi. 15

[Itsetfwe: Mpumalanga News, 2020]

- 5.1 Phindza ubhale lomusho lolandzelako bese ulungisa liphutsa.
Litiko letemfundvo livamise kuhlela imicimbi yekukhutsata kufundza. (1)
- 5.2 Khokha umusho losendleleni lephocako lokhomba kuphika kuletheksthi lengenhla. (1)
- 5.3 Phindza ubhale lomusho lodywtjelwe endzimeni yesibili uwente uphike.
Cala lomusho ngekutsi: Cha ... (1)
- 5.4 Gucula lenkhulomo lelandzelako ibe yinkhulumombiko.
'Kubalulekile kutsi sihloniphe lulwimi Iwemdzbabu ...' kusho umphatsiswa weLitiko. (1)
- 5.5 Khokha ligama leteknniki lelisetheksthini ubhale ngalo umusho lotakhele wona. (2)
- 5.6 Sebentisa sabitonanibhanca lesisendzimeni yekucala, emgceni wesine njengesikhombabito emshweni. (2)
- 5.7 Yini leyenta umusho losekugcineni kwaletheksthi lengenhla ungemukeleki?
Sekela imphendvulo yakho. (2)
[10]

SAMBA SESIGABA C: 30
SAMBA SAKO KONKHE: 70